

# يشيل كتاب

مسئلة خلافة متعلق وثائق

الفكر القومي الاسلامي في التورق والسياسة في مصر

سنة ١٩٤٢

# يشيل كتاب

مسئله خلافتہ متعلق وراثت

فكار عموميہ اسلاميہ نك تنويري مقصديہ نشر ايدلشدر .

مقام معلاى خلافتہ بالانتخاب اصعاد لرینی متعاقب عالم اسلامه خطاباً نشر بویوریلان  
ایلك یاتنامہ خلافتینامی :

## بسم الله الرحمن الرحيم

الله عظیم الشانك اراده سبجانیه سیله عنایت قدسیه ربانیه و روحانیت  
جلیله نبویه به دخالت ایدرك معاملات ناسه و احتیاجات زمانه اوفق  
مقررات مصیبه سیله اوج یحق سنه دنبری رشد و کیاستنی اثبات و حاکمیتنی  
تأیید ایدن تورکیه بویوک ملت مجلسنك انتخاب و مظاهرتنه بالاستناد  
مقام معلاى خلافت اسلامیه بی مع التعظیم اشغال اییدیورم .

جناب حقك عنایت و صیانتی و پیغمبر ذیشان افندیمرک امداد  
روحانیتی و غزرا لر یله دین فدائیلرینك غیرت و شجاعتی سایه سنده امت  
مبشره محمدیه حقنده اخیراً تجلی ایدن مظفریات مشعشه و خدایسندانه دن  
دولابی کمال خضوع و خشوع ایله سجدۀ شکرانه قاپانه رق عصر لر دنبری  
خلافت جلیلۀ اسلامیه نك خادم و مدافعی اولقله مفتخر و مباهی  
بولونان تورک ملت نجیبه سنك و خاندان عثمانینك همیات  
فداکارانه سنی تبجیلاً عالم اسلامك حقلرنده دائماً و بالخاصه شو  
صوك الم و امتحان دوره سنده بر آن ابراز و ابدالندن فارغ اولمادیغی  
مظاهرت علویه اخوتکارانه بی بر حس عمیق افتخار و محمدتله



یاد و تذکار و علوقدر و جنابیلہ متناسباً و ہر بار متزایداً نائل رفعت و  
 سعادت اولیٰ سنی الطاف جلیلہ صمدانیہ دن تضرع و نیاز ایلرم .  
 امت معظمہ اسلامیہ نک غایۃ آمالی کلام قدسیت اتسام الہینک  
 و شریعت غرای احمدیہ نک ابنای بشرہ و عدو تبشیر بو یوردقلری  
 تکملات دنیویہ و فیوضات معنویہ نک اسباب تجلیسنہ متحداً بذل  
 مقدر تدن عبارتدر . بو اعتبارلہ مقام معلاى خلافتک محضاً و دیعة  
 اللہ اولان و وظیفۃ علویۃ امامت و دلالتنی حقیلہ ایفا ایدہ بیلیمک  
 و اوغرینہ بوتون عمر مک محصلۃ استحضارات و مساعیسنی وقف  
 ایتدیگم خدمت جلیلۃ اسلامیہ دہ علی قدر الاستطاعہ موفق اولام .  
 بیلیمک ایچون جمهور مسامین و علمای دین مبینک ارشاد مشورت و  
 انضمام معاونتتہ خاصۃً عرض افتقار و مراجعت ایدرم .

همان جناب قادر مطلق جملہ مزى توفیقات ربانیہ سنہ مظهر و صلح  
 و مسالمت جهانک ورفاہیت و سعادت عمومیہ نک ادراکیلہ کامیاب و مبشر  
 بو یورسون آمین محرمة سید المرسلین .

دار الخلافۃ العلیہ ۴ ربیع الآخر ۱۳۴۱ رب العالمین

رسول

خلیفہ

عبدالمجید ابن عبدالعزیز خان

۱۳۳۸  
 ۲۰ تشرین ثانی ۱۹۲۲

مقام خلافت علیهنده کی تصور دسینک شیوعی اوزرینه خلیفه خضرتلربنک  
ن مجلسی ریاسته خطاباً مرسول تلهرافناه لری در :

## تورکیه ملت مجلسی ریاست جلیله سنه

بوگونکی غزته لرده مقام خلافتک الفاسی صددنده قطعیتیه یاقین  
ریات گورلمشدر . درت کسور عصر دنبری بو دولت و ملتیه و دیعا  
لان خلافتک الفاسی عالم اسلام ایله اولان رابطه نك قطعی دی  
لوب بویله بر وقعه و جدان اسلام اوزرنده سوؤ تأثیرات تو  
عالم نصرانیجه ده دین مبین احمدینک مانع ترقی اولدیفنی حقند  
ناداتی تأیید ایدرک تاریخ حیات ملتده پک الیم و خزین برح  
لاجفتک بو بابده قطی برقرار اتخاذهندن اول بیانی فریضه عدایه

عبدالمجید ابن عبدالعزیز

۱۳۴۰

له باغچه ۱ مارت ۱۹۲۴



دار الخلافه العليه دن اسويجيره به تقريرلريني متعاقب عالم اسلامه خطاباً نشر بويوريان  
ايکنجي بياننامه خلافتيناهي

## بسم الله الرحمن الرحيم

خلافت مؤسسه مقدسه سني خذف والفا ايتمش اولمق  
ادعاسنده بولولونان لادينى تورک جمهوريتى قراريله عزيزر وطنمدن  
نقى واجلا ايدلديگم جهتله بومهمانواز ديار غربتدن عالم اسلامه  
التحاق صداقتکارانه دعوت پدرانہ سني مبلغ بو بياننامه مله توجيه  
سلام و خطاب ايدىيورم .

تورکيه ملت مجلسنک اکثریت حاضره سنجہ خلافت مقدسه  
عليهده متخذ قرار غير دينى اساسات و منافع عاليه اسلاميه ايله  
غير قابل تأليف اولديغى گبي پرشرف عنعنات اسلاميه و قوميه مز  
اجاباتنه تبعاً مجلس حاضر ملي ي خلافت مقدسه يه استنادکاه  
خدمتنى ايفا ايله توظيف ايدن نجيب و قهرمان تورک ملتک  
شرط اساسى و کالت و انتخابنه ده کلياً مغاير بولنديغندن شريعت  
غراي احمديه ي منکر بوييله بر قرار باطلی کائن لم یکن عد ايله .

ديگمك عالم اسلامه ابلاغنى عهدمه مترتب اك قطبى بر وظيفه  
عد ايلرم .

بر بوجق سنه اول مقام معلاى خلافته انتخابى بيعت  
عموميه سيله تصويب و تصديق ايدن عالم اسلام عهدمه مفوض  
وظيفة مبجله يي بوضورتله تاييد ، لادينى ورك جمهوريتى ايسه  
حاكيت حقيقيه مليه يه تجاوزيله حق اعتراض و مداخله سنى كيا  
اسقاط ايلديگى جهتله فيما بعد بومسئله حياتيه خصوصنده كمال  
صلاحيت و استقلال ايله اتخاذ مقررات حقى منحصرأ عالم  
اسلامه عائددر .

وضيقت حاضره نك استلزام ايتديگى بو مقرراتى برلكده  
اتخاذ مقصديله زمان و مكان مناسبنده بين المسلمين عقدينى تصور  
ايتديگم مؤتمركير ديننيك اجتماعى اسبابنه متعلق تكليفات  
و مظاهرات فعليله لرينى على قدر الامكان سريعاً بكا ايصال  
صورتيله بالجمله جماعات اسلاميه نك اك صلاحيتدار رؤسا  
و ممثلرinni بوجايه مبجله او غرنده تشريك فعاليت و غيرته دعوت  
يديورم .



صرف تظاهرات علويه سی روحی افتخار و مسرتله تهییج  
ایدن تساند عظیم اسلامینک حقمده ابذال ایتدیگی پک مشوق  
و قیمتدار دلائل محبت و مربوطیتته استناد و مقدس دعوی  
دینمزک موفقیت نهائییه یه اقترانی جناب قادر مطلق حضرتلرینک  
عنایت جلیله رحمانیه سندن نیاز ایده رم .

رب العالمین

رسول

تریتہ ۵ شعبان المعظم ۱۳۴۲

خلیفه

( ۱۱ مارت سنه ۱۳۴۰ )

عبد المجید ابن عبد العزیز خان



خليفه حضرت لر ينك توركيه ملت مجلسي اكثريتي و حكومتي قراريله و طنلرندن تفريلريني  
متعاقب عالم اسلامه خطاباً سويچرده نشر بويوردقلى بياننامه اوزرينه محافل رسميه دن  
عكس ايدن اتهاماتي رد ايچون توركيه ملت مجلس رياسته مرسول تحرير اتلري :

## بسم الله الرحمن الرحيم

توركيه ملت مجلس رياست جليله سنه

عالم اسلامه خطاباً نشر ايتديگم بياننامه نك حكومت و مجلس ملي  
محيطيله مطبوعات يومية صحائفنده سؤ تفسيره معروض قالدیغی و سياسي  
ماهيتده تلقی اولونديغی نشریات واقعه دن آكلاشيلىور .

تبیین حقيقت و تصحيح ذهنيته ايچون شوراسنك معلوم اولماسی  
ايجاب ايدركه خلافت اسلاميه عليهنده متخذ قرارك نتایج  
وخيمه سندن عالم اسلامي صيانۀ و بيعت صحيحۀ شرعيه لرينه  
تبعاً بوراده دلات وقناعتمه صور مختلفه ده مراجعت ايدن  
مسلمينك مسئولی اسعافاً وضعيت محدثه حقنده کی تلقيمی و حل  
مشكل ايچون شایان توصيه گوردیگم تدابيری مسلمينه رسماً  
اعلان و ابلاغ لزوم مبرمی تظاهر ايتمشدر .

مطبوعات محليه دن مقطوع بر صورت صحيحه سنی لف ايتديگم بو  
بياننامه ده توركيه جمهوريتنك موضوع بحث اولماسی آنجاقي ماقوع تاريخی بی

وما هيته قرارى نظر اسلامده رسماً تثبيت و بوكا قارشى اتخاذى الزم تدبير  
عاجلى تعيين و تبليغ ضرورتندن منبعثدر .

بيعت عامه يى حائز بولنديغم مدتجه جامعه مباركه اسلاميه نك  
حقوق و منافع عاليه سنى خللدن وقايه وظيفه آمره سيله قطعياً  
مكلف بولونماسه يدم قرار متخذ يوزندن شخصاً دوچار اولديغم  
فجميع حقسنلنى بيله محبت شديد و طنيه م سائقه سيله اونوتمايه  
چاليشيردم . فقط عباد اللهك اوزه رنده كى حق عظيم بيعتى  
مؤسسه مقدسه خلافتك الفاسى تشبته قارشى هر نه ملاحظه ايله  
اولورسه اولسون اختيار تحمل و سكوت ايتمه مه قطعياً مانع و  
بو اجتهاد لا يتغير يى استانبولده كى ايام اخيره اقامتمده ملت مجلسى  
رياسته گوندرديگم وثيقه مدله اعتراضيه تاريخاً مثبتدر .

ايسته بوسبيلرله عالم اسلامه قارشى وظيفه خطاب و ارشاد يى الحمد  
لله ايفايه موفق اولدم . بونندن صوگرا مسئله خلافتك حكومت جمهوريه  
لا دينيه ايله آرتق برعلاقه سى قالمامشدر . بناءً عليه اصلاً مقام خلافت  
اسلاميه يه و اليوم نجيب و ديندار ملتزمه مودوع و باشليجه خرقه سعادت  
دائره فاخره سنده محفوظ بولنان امانات مباركه نك، فرعاده حقوق عائلويه  
و شخصيه مك مطالبه و مدافعه سندن باشقه خصوصات سائره ده حكومت  
جمهوريه ايله مشغول اولما مقلغم طيعيدر . فقط ملت و مملكتمه  
نارشى بوتون حيات و مسلگمله ظاهر و ثابت اولان مربوطيت  
فلبية فداكارانه م البت صوك نفسه قدر دوام ايده جك



روح‌ده آشیان و طنی طوافدن بر آن خالی قالمایه جقدر. جاب قادر  
مطلقدن کمال تضرع‌ه نیاز ایدرم که خلیفه صفتیه مملکت‌ده  
وطنداش لریمه قارش ی اراز ایتمه‌مه مساعدیه ایدله یین خدمت  
مبجله دینیّه و ارشادیه یی، ولو که وطن جدا اولارق انشاء الله  
تعالی ایمایه موفق اولایله یم.

او عرنده فدای جانی کدیمه منت یلیدیگم چوق سوگیلی  
وطن و ملت می صیانت سمدانیه یه امانت و ضلالتده قالانلریتمزک  
عن قریب مظهر هدایت اولماسنه اعماق روحدن دعالر ایدرم

آمین بحرمه سید المرسلین و الحمد لله رب العالمین . الله

عن اسویجره، تریته ۱۸ شعبان المعظم ۱۳۴۲ رسول

خلفه ۱۳۴۰ (۲۵ مارت سنه) ۱۹۲۴

عبدالمجید ابن عبد العزیز خان



دار الخلافه العليه دن انقلاك اتناسنده توركيه ملت مجلسي رياسته ارسالي متصوركن  
حسب المانع ممكن اولامايان اعراضنامه خلافتناهيكن صورت :

## بسم الله الرحمن الرحيم

توركيه ملت مجلسي رياست جليله سنه

خلافت مقدسه اسلاميه نك سلطنت تمثليه فرديه دن تفريقيله كماكان  
خاندان عثمانيده ابقاسي و اعضاي خاندان دن ارشد و اصلحنك بالانتخاب  
مقام معلاي خلافته اصعاديله توركيه ملت مجلسنك ده بو مقام معلايه  
استنادكاه اولماسي حقنده مقدمات شوراي مليمزجه ويريلن قرار تاريخي  
موجبنجه و و كلاي ملتك اكثريت آراسيله بالانتخاب مقام معلاي خلافته  
اصعادم اوزرينه بو وظيفه مبعاه نك على قدر الاستطاعه ايفاسني درعهده  
ايتديگمي معزز وطنداش لرمله برابر سائر بالجمله اخوان دينمزه خطاب  
ايدن و دارلخلافة العليه اوراق حوادثده اوزمان انتشار ايلين بياننامه مله  
بيلدير مشدم .

صلاحيت اجرائيه دن تجريدي قراريله صفت سياسي سندن  
محروم براقيلان و آرتق منحصرأ وظائف دينيه و مدنيه سنه تعلق  
اقتضا ايدن فعاليت فياضه خلافتك صورت و سائط تطبيقيه سنه  
متعلق اخطارات و ايقاظات مكرره شفاهيه مه مخاطب اولان  
مامورين ممثله حكومتك مقابله سكوت عجزى اختيار ايتمه سي

و مجلس ملیمزلک بو سکوت منیدارله هم آهنگ بر ایکمیت مصره  
ابراز ایلمه سی غوائل خارجییه تماماً بر طرف اولمادن بو مسئله  
مشترکه اسلامییه ایله اشتغالدن بالالتزام اجتناب ایدلدیگی  
قناعتنی تقویه ایتدیگی جهتله مجلس ملیمزه بو بابد رسماً و تحریراً  
مراجعت تصویرینک تطبیقنی بالضروره معاهده صلحیه مزک  
هر طرفجه تصدیق قطعیمی فرداسنه تعلیق مجبور اولدم .

بو مدید و فوق الحد مزعج دوره انتظار اتناسنده صاحب و آمرلری  
و کلای ملتدن معدود بعض اوراق مطبوعه مقام معلاى خلافت علیهنده  
شدت متعبدیانه سنی دأماً ترید شرطیله حوادث مهیجه خیالییه تضيع و نشریات  
سائره متجاوزانه یه توسل ایتدیگی حالده بو مقام معلانک استناد کاهی  
اولدیغنی رسماً اعلان ایدن مجلس ملیمزلک شایان حیرت مساحه لاقیدانه سنه  
مظهر اولماسی بو مسلک غریبک منافع مشترکه ملییه و اسلامییه درجه  
موافقتنی جای سؤال عد ایتدیرسه گر کدر .

مؤسسه مقدسه خلافت قارشی اختیار ایدیلن بو پک مؤسف خط  
حرکتک اسباب موجب لدنیه سی مقررات اخیره ایله واقعا توضیح ایتمش  
اولدی و بو صوک امر واقع شو بر یحق سنه نک سلسله بیانات و اجرا آت  
رسمیه سنده کی متوالی تناقص و تنافری بوسبوتون میدانیه چیقاردی .  
بو صورتله سلطنت مشروطه تمثیلیه گبی خلافت

مقدسه اسلامییه نک ده حذف و الفاسنه موفق اولمق ایچون هر  
واسطه یه مراجعتک علیهدار لرجه مباح گورولدیکی عموماً  
آ کلاشیلدی .



حالبو که تفريق دين و دنيا نظريه غير اسلاميه سني جمهور  
اسلامه تطبيق سايه سنده مدنيت غريبه بي تقليد و تمثيل  
ايد بيلمك زعميله بو عليه دارلرجه لزوم الفاسنه حكم يعنى  
مانع ترقى عد اولنان خلافت اسلامه بالعكس اساساً روح  
اسلامده مندمج نامحدود استعداد انكشاف و تكملی احتياجات  
دهره گوره ساحه حياته قل و تطبيق ايتمكله مكفدر .  
شريعت غراي اسلاميه نك سلطه مدنيه سي خاصه تكاملات  
دنيويه بي مستهدف و بو اعتبارله نظر اسلامده دين و دنيا  
ناقابل تفريقدر . بناء عليه تسهيل ترقى بهانه سيله مؤسسه  
مقدسه خلافتي خذفه تشبث عقلاً قابل مدافعه اولماديفي گبي  
ديني ، تاريخي ، عنعنوي اساسات محكمه سيله جمهور اسلامك  
قلبنده ير طوتن بويله رصين بر مؤسسه معنويه نك خلاف  
شرع و صلاحيت ويريلن بر قرار كيني ايله الفا ايديله بيلمه سي ده  
فعلاً غير ممكندر . اصول صحيحه شرعيه سي موجبجه اصدار  
اولونمش فتاواي شريفه تعلق ايتمه دن خليفه رسول الله اولان  
ذاتك خلعي بيله جائز دگلكن صيانت خلافت اسلاميه عمدات  
انتخابيه سندن يعنى شرائط اصليه و كالت و صلاحيتندن معدود



اولان بر هیئت تشریعیه نك خلافت مقدسه اسلامیه بی الغایه  
قرار ویرمسی بالطبع صفت مشروعیتنی کلیاً سلب و انکار  
دیمکدر که بالنتیجه قرار متخذده باطل و غیر معتبر اولق  
لازمگیر .

آرای عمومیه مزك استفسار خالصی تقدیرنده قطعاً رد  
ایده جکنده شبهه جائز اولمایان و بو سببله ده حاکمیت  
حقیقیه ملیه نك روحنه مغایر بولونان بو قرار سقیم ، جد معظم  
جنتمکان سلطان سلیم خانك همت خدا پسندانہ سیله زمانك  
اك قوی الشکیمه ، دیندار و قدر شناس دولت اسلامیه سنه  
شرفبخش بولونان عثمان خانداننه بالرضا والاستحقاق انتقال  
ایدوب فداکارانه خدمت وصیانتی اسلافجه دائماً اك یوكسك  
وظیفه بیلن و تذبذبات عصریه و تعدیات متوالیه یه رغماً  
تاریخمزك اك بحرانی دورلرنده اك مؤثر واسطه تحفظ  
و خلاصمری تشکیل ، صوك غزای ملیمرده ده قیمت خارقه سنی  
یکیدن اظهار و اثبات ایدن بو موسسه مقدسه دینیہ مزك  
صلاحیت مبارکه تمثیلیه سندن معزز وطنمزك محرومیتنه یول  
آچور .

انشاء الله الرحمن نور هدايتك ظلمت ضلالتك من  
فريب تكرر غلبه سيله ازاله و تصحيح غنايت مبشرة ربانيه من  
كمال تصرعه نياز ايتديكم بو قرار اليك تعاضد حكى ايه  
معاذ الله خلافت مقدسه اسلاميه نك استنادك حقيقى  
استقلالندن ، قوم نجيبمرك ده مظاهرت اخوت اسلاميه من  
محروميت دائمه سنى موجب اولابيلير .

حضرت سليمك كمال تعظيم ايله تسلم و هر نورلو انقلابات دهره  
رغماً سلسله اسلافك حزر جان ايدرجه سنى حسن محافظه سنى تأمين  
ايدوب مقام معلاى خلافتك اصعادي متعاقب عالم اسلامك طرف طرف  
بيعتى و تصويب عموميسيله و مجلس مليمرك هيئت مبعونه سى واسطه سيله  
و تحريرات رسميه سيله ايدى تعظيمه توديع ايتديكى و باشليجه خرقه  
سعادت دائره فاخره سنده محفوظ امانات مباركك خدمت و محافظه  
مبجله سندن بلا اختيار و آنجاق اجبار و اكراه تبعيته بالضروره  
آيرلديغى بيان . و عثمان خاندانى معزز و طمردن نقي و فريب  
ايديلير كن تاريخى ، عائلوى و شخصى كافه حقوقمرك  
محافظه سنى نجيب ملتكم عهدۀ عدالت و علوجنابنه توديع  
ايدرم .



صیانت مبشره صمدانیہ نک بو و خیم دورہ بحراندہ دخی ملت معصومہ  
اسلامیہ نک امدادینہ یقیشوب جملہ مزى حق و حقیقت یولنک داعی  
صلاح و سلامتنہ ایریشدیرمسنی جناب قادر مطلق حضرتلرینک الطاف  
جلیلہ رحمانیہ سندن تضرع و نیاز ایدرم . آمین بحرمہ سید المرسلین و  
الحمد لله رب العالمین .

۲۶ رجب الفرد سنہ ۱۳۴۲

طولہ باغچہ :

۱۳۴۰

۲ مارت سنہ ۱۹۲۴

الله

رسول

خليفة

عبدالمجید ابن عبدالعزیز خان